

ხელშეკრულება
სახელმწიფო შესყიდვის შესახებ №ეტ-15/2020

ქთბილისი

“ 22 ” ივლისი 2020 წ.

ერთი მხრივ, **შ.პ.ს. “საქართველოს ტელერადიოცენტრი”** (შემდეგ – “შემსყიდველი”) წარმოდგენილი მისი დირექტორის გიორგი დეკანოზიძის სახით და მეორეს მხრივ, **შ.პ.ს. “ჯიემსოლუშენს”** (შემდგომში – “მიმწოდებელი”) წარმოდგენილი მისი დირექტორის ანა ნაცარაშვილის სახით, “სახელმწიფო შესყიდვების შესახებ” საქართველოს კანონის და სატელევიზიო სიგნალის კონვერტორების სახელმწიფო შესყიდვის მიზნით **№SPA200001635** ელექტრონული ტენდერის ჩატარების შედეგად, პრეტენდენტის (შპს “ჯიემსოლუშენს”) მიერ წარმოდგენილი სატენდერო წინადადების საფუძველზე, ვდებთ წინამდებარე სახელმწიფო შესყიდვის შესახებ ხელშეკრულებას.

1. ხელშეკრულებაში გამოყენებულ ტერმინებს აქვს შემდეგი მნიშვნელობა:

“ხელშეკრულება სახელმწიფო შესყიდვის შესახებ” (შემდგომში - “ხელშეკრულება”) – “სახელმწიფო შესყიდვების შესახებ” საქართველოს კანონის ფარგლებში შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

“შემსყიდველი” – ორგანიზაცია (საწარმო), რომელიც ახორციელებს შესყიდვას.

“მიმწოდებელი” – პირი, რომელიც ახორციელებს მომსახურებას ხელშეკრულების ფარგლებში.

“ხელშეკრულების ღირებულება” – საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნითი შესრულებისათვის; “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. ხელშეკრულების საგანია ელექტრონული ტენდერის საშუალებით სატელევიზიო სიგნალის კონვერტორების შესყიდვა, წინამდებარე ხელშეკრულებით და მისი დანართებით გათვალისწინებული პირობების შესაბამისად. **(CPV კოდი – 32200000 რადიო-ტელეფონის, რადიო-ტელეგრაფის, რადიო-მაუწყებლობის და სატელევიზიო გადამცემი აპარატურა; კერძოდ დეტალური CPV კოდი – 32224000 სატელევიზიო გადამცემი აპარატურა);**
- 2.2. ხელშეკრულებით გათვალისწინებული შესყიდვის ობიექტის ზუსტი დასახელებები, და სხვა ინფორმაცია (რაოდენობა და ფასი ერთეულის მიხედვით) მოცემულია წინამდებარე ხელშეკრულების დანართებში (დანართი №1 – სატენდერო პირობები და დანართი №2 – შპს “ჯიემსოლუშენს”-ის სატენდერო წინადადება), რომლებიც წარმოადგენენ ხელშეკრულების განუყოფელ ნაწილს.

3. ხელშეკრულების ღირებულება

- 3.1. შესყიდვის ობიექტის (მისაწოდებელი საქონლის) ღირებულება განისაზღვრება ლარებში და შეადგენს **3400 (სამიათას ოთხასი) ლარს** და მოიცავს საქონლის მიწოდებასთან დაკავშირებულ ყველა ხარჯს, საქართველოს კანონმდებლობით გათვალისწინებულ ყველა გადასახადს, რომლის გადახდაც ეკისრება მიმწოდებელს, დღგ-ს ჩათვლით.
- 3.2. წინამდებარე ხელშეკრულების ღირებულების დაფინანსების წყაროა შემსყიდველის 2020 წლის შემოსავლები – საკუთარი სახსრები.

4. მხარეთა ვალდებულებები

- 4.1 მიმწოდებელი ვალდებულია ამ ხელშეკრულებით დადგენილ ვადებში განახორციელოს შესყიდვის ობიექტის მიწოდება, ამავე ხელშეკრულებით და მისი დანართებით განსაზღვრული პარამეტრების დაცვით. იგი პასუხისმგებელია მიწოდებული საქონლის ხარისხისა და ვარგისიანობაზე.
- 4.2 შემსყიდველი უფლებამოსილია უარი განაცხადოს უხარისხო საქონლის მიღებაზე.
- 4.3 შემსყიდველს უფლება აქვს შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.
- 4.4 შემსყიდველი ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას მიწოდებული საქონლის ღირებულება.
- 4.5 თითოეულ მხარეს უფლება აქვს მოითხოვოს მეორე მხარისაგან ამ ხელშეკრულებით ნაკისრი ვალდებულებების დროულად, ჯეროვნად და კეთილსინდისიერად შესრულება.
- 4.6 თითოეულ მხარეს უფლება აქვს მოითხოვოს და მიიღოს მეორე მხარის მიერ ამ ხელშეკრულებით ნაკისრი ვალდებულებების შეუსრულებლობით, ან მათი არაჯეროვნად, არაკეთილსინდისიერად ან/და არადროულად შესრულებით გამოწვეული ზიანის ანაზღაურება.

5. შესყიდვის ობიექტის მიღება-ჩაბარების წესი

- 5.1 საქონელი მიწოდებული იქნება შემდეგ მისამართზე: ქ.თბილისი, მთაწმინდა, ფუნიკულიორის ზედა პლატო, შ.პ.ს. “საქართველოს ტელერადიოცენტრი”-ს სათავო ოფისის ტერიტორია.
- 5.2 შესყიდვის ობიექტი (საქონელი) მიწოდებულად ჩაითვლება მხოლოდ შესაბამისი მიღება-ჩაბარების აქტის გაფორმების შემდგომ, რომლის საფუძველია ამ ხელშეკრულების 5.3. პუნქტით გათვალისწინებული სასაქონლო ზედნადები.
- 5.3 მიწოდების პარალელურად მიმწოდებელმა უნდა წარმოადგინოს შესაბამისი სასაქონლო ზედნადები და საგადასახადო ანგარიშ-ფაქტურა (სასაქონლო ზედნადები და ანგარიშ-ფაქტურა შესაძლებელია წარმოდგენილ იქნეს ელექტრონული ფორმით).
- 5.4 მიმწოდებლის მიერ შემსყიდველისათვის ამ ხელშეკრულებით განსაზღვრული საქონლის მიწოდება უნდა განხორციელდეს ერთჯერადად, ხელშეკრულების დადებიდან არაუგვიანეს 60 კალენდარული დღის ვადაში.
- 5.5 საწარმოს ხელმძღვანელების გარდა, შემსყიდველის მხრიდან მიღება-ჩაბარების აქტის გაფორმებასა და ხელმოწერაზე უფლებამოსილი პირები არიან: თ.სვანიძე ან/და ბ.კასრაძე ან/და დირექტორის სპეციალური ბრძანებით განსაზღვრული სხვა უფლებამოსილი პირი.

6. ხელშეკრულების შესრულების კონტროლი

- 6.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველი საწარმოს ინსპექტირების ჯგუფი შემდეგ თანამშრომელთა შემადგენლობით: თ.სვანიძე, ბ.კასრაძე, ზ.მარგიშვილი;

7. გაწეული მომსახურების ხარისხი და გარანტია

- 7.1 მიმწოდებელი იძლევა გარანტიას, რომ ხელშეკრულების ფარგლებში მიწოდებული საქონელი შეესაბამება სატენდერო პირობებით, მიმწოდებლის სატენდერო წინადადებით და ამ ხელშეკრულებით განსაზღვრულ მოთხოვნებს, სტანდარტებსა და სპეციფიკაციებს.
- 7.2 მიმწოდებელი იძლევა გარანტიას, რომ მის მიერ მიწოდებული საქონელს არ გააჩნია რაიმე ნაკლი ან დეფექტი და იქნება ვარგისი თავისი დანიშნულებით გამოყენებისათვის, წინააღმდეგ შემთხვევაში მიმწოდებელი იღებს ვალდებულებას, რომ ბრალეული გაჭიანურების გარეშე, საკუთარი სახსრებითა და რესურსებით უზრუნველყოს ნაკლის და დეფექტის აღმოფხვრა, ხოლო მისი ვერ უზრუნველყოფის შემთხვევაში, უსასყიდლოდ შეცვალოს

საქონელი. წინააღმდეგ შემთხვევაში მიმწოდებლის ქმედება კლასიფიცირდება როგორც ხელშეკრულების პირობების შეუსრულებლობა, და მასზე გაერცელებს საქართველოს კანონმდებლობით და ამ ხელშეკრულებით გათვალისწინებული პასუხისმგებლობისა და სანქციების საკითხები. საგარანტიო პირობები ძალაშია შემსყიდველის მიერ შესყიდვის ობიექტის ექსპლუატაციის წესების დაცვის შემთხვევაში.

- 7.3 ამ ხელშეკრულების 7.2. პუნქტის მოქმედება ძალაშია მხოლოდ მიწოდებული საქონლის საგარანტიო ვადის განმავლობაში, ამ ხელშეკრულებითა და მისი დანართებით განსაზღვრული საგარანტიო პირობების ფარგლებში. წინამდებარე ხელშეკრულების მოქმედების ვადის ამოწურვის მიუხედავად, მიმწოდებელი ვალდებულია შეასრულოს საგარანტიო მომსახურება გარანტიის პერიოდის ამოწურვამდე.

8. ანგარიშსწორება

- 8.1 ანგარიშსწორება მიმწოდებელთან განხორციელდება ლარებში, უნაღდო ანგარიშწორებით, მიმწოდებლის საბანკო ანგარიშზე თანხის გადარიცხვით.
- 8.2 ანგარიშსწორება განხორციელდება მიწოდებული საქონლის ოდენობის შესაბამისად, ამ ხელშეკრულების მე-5 მუხლით გათვალისწინებული დოკუმენტების სრულყოფილად წარმოდგენიდან 10 დღის ვადაში. ამ პუნქტით გათვალისწინებული დოკუმენტების წარმოდგენლობის შემთხვევაში, შემსყიდველი არ მოახდენს ანგარიშსწორებას მიმწოდებელთან.

9. ფასები

- 9.1 წინამდებარე ხელშეკრულების მე-3 მუხლში დაფიქსირებული შესყიდვის ობიექტის (მისაწოდებელი საქონლის) ღირებულება წარმოადგენს ხელშეკრულების ღირებულებით პარამეტრს და მისი შეცვლა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 9.2 ამ ხელშეკრულების 9.1. პუნქტის შესაბამისად, ღირებულების გაზრდა დასაშვებია მაქსიმუმ 10%-ის ფარგლებში (და ისიც მხოლოდ მაშინ, როცა აუცილებელი ცვლილება აღემატება 5%-ს), ამასთან მიმწოდებელი ვალდებულია ფაქტობრივად (შესაბამისი დოკუმენტების წარმოდგენის აუცილებელი პირობით) დაადასტუროს ფასის გაზრდის საფუძვლის დადგომა. ხელშეკრულების ფასის გაზრდა აუცილებლად უნდა გაფორმდეს დამატებითი შეთანხმების აქტის ფორმით და თან დაერთოს ხელშეკრულებას.
- 9.3 ამ მუხლით გათვალისწინებული საფუძვლით ფასის გაზრდის შემთხვევაში, შემსყიდველს უფლება აქვს არ დაეთანხმოს მიმწოდებელს და მოითხოვოს ხელშეკრულების ვადაზე ადრე გაუქმება, ამასთან უნდა უზრუნველყოს ფაქტიურად მოწოდებული საქონლის შესაბამისი ანგარიშსწორება ამ ხელშეკრულების მე-8 მუხლის შესაბამისად.

10. ხელშეკრულებაში ცვლილებების შეტანა

- 10.1 ხელშეკრულების პირობების გადასინჯვასთან დაკავშირებული ურთიერთობები რეგულირდება მოქმედი კანონმდებლობით.
- 10.2 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 10.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 10.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

- 10.5 დაუშვებელია ხელშეკრულების პირობების შეცვლა, თუ ამ ცვლილების შედეგად უარესდება ხელშეკრულების პირობები შემსყიდველი ორგანიზაციისათვის, გარდა ამ ხელშეკრულების მე-9 მუხლით გათვალისწინებული შემთხვევისა.

11. უფლების გადაცემა

- 11.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

12. ფორს-მაჟორი

- 12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 12.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა.
- 12.3. ფორს-მაჟორული გარემოების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ, ბრალეული გაჭიანურების გარეშე, უნდა გაუგზავნოს მეორე მხარეს წერილობითი შეტყობინება ასეთი გარემოებების, მათი გამოწვევის მიზეზების და აღმოფხვრის სავარაუდო ვადის შესახებ (თუ ეს ყოველივე პროგნოზირებადია).
- 12.4. ამ მუხლის შესაბამისად წარმოშობილი ფორს-მაჟორული გარემოებების შემთხვევაში, ხელშეკრულების შესრულების ვადა (ხელშეკრულებით ნაკისრი ვალდებულებების შესრულების ვადა) გადაიწვევს შესაბამისი დროით, გარემოებათა დასრულების შემდეგ.
- 12.5. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 30 კალენდარულ დღეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13. მხარეთა პასუხისმგებლობა ხელშეკრულების პირობების დარღვევისათვის

- 13.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 13.2. თუ ხელშეკრულების რომელიმე მხარე დაარღვევს წინამდებარე ხელშეკრულებით ნაკისრ ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შეუსრულებლობისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 13.3. ხელშეკრულების მოქმედების პერიოდში მიმწოდებლის მხრიდან საქონლის მიწოდებისათვის ამ ხელშეკრულებით გათვალისწინებული ვადების დარღვევის შემთხვევაში მას დაეკისრება პირგასამტეხლო ყოველ გადაცილებულ დღეზე ხელშეკრულების საერთო ღირებულების 0,02%-ის ოდენობით.
- 13.4. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, პირგასამტეხლოს გადახდა განხორციელდება მიმწოდებელზე ხელშეკრულებით გადასახდელი თანხიდან გამოკეითვის საშუალებით.

- 13.5. შემყიდველის მიერ ხელშეკრულების 8.2. პუნქტით გათვალისწინებული ვადის დარღვევის შემთხვევაში მას დაეკისრება პირგასამტეხლო ყოველ გადაცილებულ დღეზე ხელშეკრულების საერთო ღირებულების 0.02%-ის ოდენობით.
- 13.6. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 13.7. იმ შემთხვევაში, თუკი ხელშეკრულების რომელიმე მხარეზე დაკისრებული პირგასამტეხლო გადააჭარბებს ხელშეკრულების საერთო ღირებულების 3%-ს, მეორე მხარეს უფლება აქვს ცალმხრივად მოითხოვოს ხელშეკრულების მოშლა და მიყენებული ზიანის ანაზღაურება.

14. ხელშეკრულების შეწყვეტა

- 14.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 14.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 10 დღით ადრე.
- 14.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 14.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისთვის გათვალისწინებული პასუხისმგებლობისაგან.
- 14.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) თუ მიმწოდებელს ხელშეკრულებით გათვალისწინებულ ვადებში არ შეუძლია მიაწოდოს მთელი საქონელი ან მისი ნაწილი;
 - გ) თუ აღმოჩნდება, რომ მიმწოდებლის მიერ ფაქტიურად მიწოდებული საქონლის ხარისხი ან/და მახასიათებლები არ შეესაბამება უშუალოდ ტექნიკურ დოკუმენტაციის მოთხოვნებს ან/და ამ ხელშეკრულების მე-7 მუხლით მოცემულ გარანტიას; ამასთან, მიმწოდებელი ან/ვერ უზრუნველყოფს საქონლის შეცვლა/ჩანაცვლებას არსებულ მოთხოვნებთან შესაბამისობაში მოყვანის მიზნით;
 - დ) ამ ხელშეკრულების 13.7 პუნქტით გათვალისწინებულ შემთხვევაში.
 - ე) კანონმდებლობით გათვალისწინებულ სხვა შემთხვევებში;

15. დავების გადაწყვეტის წესი

- 15.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.
- 15.2 მხარეთა შორის შეთანხმების მიუღწევლობის შემთხვევაში საკითხის დავის გადაწყვეტის შესახებ გადაეცემა სასამართლოს.

16. სხვა პირობები

- 16.1. წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს მიმწოდებლის მიერ ნაკისრი ვალდებულებების სრულად შესრულებიდან 30 კალენდარული დღის განმავლობაში (ელექტრონული

ტენდერის ჩატარების წესის 33-ე მუხლის მე-6 პუნქტის მოთხოვნათა გათვალისწინებით, თუმცა არაუგვიანეს 2020 წლის 31 დეკემბრისა.

- 16.2. ამ ხელშეკრულების 16.1. პუნქტში მოცემული მოქმედების ვადის ამოწურვის შემთხვევაში, ამ ხელშეკრულების მე-7 მუხლით განსაზღვრული პირობა ძალაშია ამავე მუხლით განსაზღვრული პერიოდის დასრულებამდე.
- 16.3. ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად.
- 16.4. ხელშეკრულების განუყოფელი ნაწილია მისი დანართები: დანართი №1: სატენდერო პირობები – “4” ფურცლად და დანართი №2: შპს “ჯეიმსოლუშენს” ის სატენდერო წინადადება – “1” ფურცლად.
- 16.5. ხელშეკრულებითა და მისი დანართებით გათვალისწინებულ დებულებებს (განსაზღვრებებს) შორის ნებისმიერი შეუსაბამობის შემთხვევაში, ერთმანეთთან მიმართებაში უპირატესობა განისაზღვრება შემდეგი თანმიმდევრობით: 1. ხელშეკრულება; 2. დანართი №1; 3. დანართი №2;

17. მხარეთა ხელმოწერა და რეკვიზიტები

“შემსყიდველი”

“მიმწოდებელი”

შ.პ.ს. “საქართველოს ტელერადიოცენტრი”
მთაწმინდა, ფუნიკულორის ზედა პლატო;
საიდენტიფიკაციო № 203829250;
სს “საქართველოს ბანკი”, კოდი: BAGAGE22
ანგ№GE78BG0000000181761401;
ტელ: 2506330; 595935893;

დირექტორი

შ.პ.ს. “ჯეიმსოლუშენს”
ქთბილისი, გიორგი ბრწყინვალეს ქ.№5ა, ბ.56;
საიდენტიფიკაციო № 405401079;
სს “საქართველოს ბანკი”, კოდი: BAGAGE22
ანგ№GE62BG0000000346012371;
ტელ: 593328181;
ელ.ფოსტა: sales@gmsolutions.ge;
დირექტორი

----- /გ.დეკანოზიძე/

----- /ანაცარაშვილი/

▼ შესყიდვის ობიექტის აღწერასთან დაკავშირებული ინფორმაცია

1.1 შესყიდვის ობიექტის დასახელება

შესყიდვის ობიექტია DVB T/T2 სატელევიზიო სიგნალის კონვერტორები

1.2 საქონლის ტექნიკური პარამეტრები/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

1. DVB T/T2 სატელევიზიო სიგნალის კონვერტორები - 5 ცალი;

დანიშნულება: DVB T/T2 სიგნალის მიღება ეთერიდან და მისი გარდაქმნა სხვა სატელევიზიო არხზე (სიხშირეზე);

ძირითადი მახასიათებლები:

☐ შესასვლელი სიგნალის სიხშირული დიაპაზონი: (K6-K12); 174-230 მჰც;

(K21-K69); 474-858 მჰც;

☐ მაქსიმალური შესასვლელი სიგნალის დონე არანაკლებ: 80 dBuV

☐ მაქსიმალური გამოსასვლელი სიგნალის დონე არანაკლებ: 80 dBuV

☐ სიგნალის დონის რეგულირების სიღრმე არანაკლებ: 20 დბ

☐ შესასვლელი კონექტორის ტიპი: F კონექტორი

☐ სიგნალის ხმაურთან თანაფარდობა არანაკლებ: 52 დბ

შესყიდვის ობიექტი უნდა აკმაყოფილებდეს მინიმუმ ზემოთმოცემულ მოთხოვნებს (პარამეტრებს/მახასიათებლებს); ამდენად, შესაძლებელია გაუმჯობესებული პარამეტრების მქონე DVB T/T2 სატელევიზიო სიგნალის კონვერტორების შემოთავაზება, თუმცა რომელიმე ფუნქციონალური პარამეტრის გაუმჯობესება არ უნდა მოხდეს სხვა პარამეტრის გაუარესების ხარჯზე; DVB T/T2 სატელევიზიო სიგნალის კონვერტორები უნდა იყოს ახალი (უხმარი), ქარხნული შეფუთვით და უნდა გააჩნდეს ყველა ის დეტალი თუ აქსესუარი, რომელსაც მოიცავს შესყიდვის ობიექტის ქარხნული კომლექტაცია;

1.3 ფასების ცხრილი/ხარჯთაღრიცხვა



PDF #1-xarjtagricxva.pdf

1.4 საქონლის მიწოდების/მომსახურების გაწევის/სამუშაოს შესრულების ვადა

ხელშეკრულების დადებიდან არაუმეტეს 60 კალენდარული დღე

1.5 საქონლის მიწოდების/მომსახურების გაწევის/სამუშაოს შესრულების ფორმა და ადგილი

შესყიდვის ობიექტი მიწოდებული იქნეს ერთჯერადად. შესყიდვის ობიექტი მიწოდებული უნდა იქნეს შემსყიდველის შემდეგ მისამართზე:

ქ.თბილისი, მთაწმინდა, ფუნიკულიორის ზედა პლატო. მიწოდების პარალელურად წარმოდგენილი უნდა იქნეს სასაქონლო ზედნადები;

1.7.1 მოთხოვნა საგარანტიო ვადის შესახებ



DVB T/T2 სატელევიზიო სიგნალის კონვერტორებზე უნდა ვრცელდებოდეს გარანტია არანაკლებ 3 თვის ხანგძლივობით, რომელიც ძალაში

უნდა იყოს საქონლის სტანდარტული ექსპლუატაციის პირობების დაცვის შემთხვევაში. საგარანტიო ვადის ათვლა დაიწყება მიღება-ჩაბარების გაფორმების თარიღიდან. საგარანტიო პირობების ფარგლებში საქონლის შეკეთების/შეცვლის ვადა უნდა შეადგენდეს არაუმეტეს 5 სამუშაო დღეს შესაბამისი შეტყობინებიდან. ამ პუნქტის მიზნებისათვის სრულფასოვან შეტყობინებად ჩაითვლება წერილობითი შეტყობინება, მათ შორის მიმწოდებლის ელ.ფოსტაზე (მისამართი ხელშეკრულებაში) გაგზავნილი დასკანერებული PDF წერილობითი მიმართვა. საგარანტიო პირობების ფარგლებში საქონლის ტრანსპორტირებას უზრუნველყოფს მიმწოდებელი;

▼ ტექნიკური მოთხოვნები

2.1.1 მოთხოვნა შესყიდვის ობიექტის სასაქონლო ნიშანთან, პატენტთან, მოდელთან, წარმოშობის წყაროსთან ან/და მწარმოებელთან დაკავშირებით

 შემოთავაზებული საქონლის მწარმოებელი ქვეყანის ან/და მწარმოებელი კომპანიის (ან სავაჭრო მარკა) ან/და მოდელის მიუთითებლობა გამოიწვევს პრეტენდენტის უპირობო დისკვალიფიკაციას დაზუსტების პროცედურის გარეშე;

2.9 სხვა დამატებითი მოთხოვნები

 პრეტენდენტმა უნდა წარმოადგინოს შემდეგი დოკუმენტაცია:

- პრეტენდენტმა უნდა წარმოადგინოს საბანკო რეკვიზიტები (ბანკის კოდი და ანგარიშის ნომერი) – მხოლოდ იმ შემთხვევაში თუ ამგვარი მონაცემები არ აქვს მითითებული ელ.სისტემის შესაბამის მოდულში „მიმწოდებლის“ პროფილში;
- პრეტენდენტმა უნდა წარმოადგინოს ხარჯთაღრიცხვა/ფასების ცხრილი სატენდერო დოკუმენტაციის (სატენდერო პირობების) მოთხოვნების შესაბამისად, დღგ-ს ჩათვლით. ამასთანავე, ერთეულის და ჯამური ფასების ათწილადის ფორმით მითითების შემთხვევაში, იგი დამრგვალებული უნდა იქნეს არაუმეტეს ასეულის სიზუსტით - ანუ მძიმის შემდეგ მაქსიმუმ ორი ციფრი. ასევე, პრეტენდენტმა ზუსტად უნდა მიუთითოს შემოთავაზებული საქონლის კონკრეტული ტექ.მახასიათებლები გამოსახული იმ დასაშვები ზღვრებიდან, რასაც განსაზღვრავს სატენდერო პირობების 1.2. პუნქტი;
- პრეტენდენტმა უნდა წარმოადგინოს ინფორმაცია საგარანტიო ვადებისა და პირობების შესახებ - წუნდებული საქონლის შეკეთების/შეცვლის გონივრული ვადები, და ასევე არასაგარანტიო პირობები (როგორ დაზიანებაზე არ ვრცელდება გარანტია). ამ პუნქტის ფარგლებში წარმოდგენილი ინფორმაცია არ უნდა ეწინააღმდეგებოდეს სატენდერო პირობების 1.7.1. პუნქტში განსაზღვრულ მოთხოვნებს. თუ პრეტენდენტის მიერ არ იქნება წარმოდგენილი ინფორმაცია აღნიშნულთან დაკავშირებით, მაშინ ჩაითვლება რომ პრეტენდენტი სრულად ეთანხმება სატენდერო პირობებში განსაზღვრულ მოთხოვნებს;

▼ ფასწარმოქმნის ადეკვატურობის დამადასტურებელი დოკუმენტ(ებ)ი

4.1.1 მოთხოვნა ფასწარმოქმნის ადეკვატურობის დამადასტურებელი დოკუმენტ(ებ)ის შესახებ

ფასწარმოქმნის ადეკვატურობა შესაძლებელია დასაბუთდეს სსიპ “ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული საექსპერტო დაწესებულების (ასეთ შემთხვევაში წარმოდგენილი უნდა იქნეს აკრედიტაციის დამადასტურებელი დოკუმენტი ან სხვა დოკუმენტი, რომლითაც შემსყიდველს ექნება შესაძლებლობა დარწმუნდეს პირის მიერ შესაბამის სფეროში უფლებამოსილებაში) ან აუდიტორული კომპანიის (ასეთ შემთხვევაში წარმოდგენილი უნდა იქნეს აუდიტორული საქმიანობის წარმოების დამადასტურებელი დოკუმენტი ან სხვა დოკუმენტი, რომლითაც შემსყიდველს ექნება შესაძლებლობა დარწმუნდეს პირის მიერ შესაბამის სფეროში უფლებამოსილებაში) დასკვნის საფუძველზე; ან/და პრეტენდენტის მიერ სხვა მიმწოდებლისათვის ანალოგიური (ანალოგიურად მიიჩნევა თითქმის იდენტური მახასიათებლების) საქონლის იმავე ან უფრო ნაკლებ ფასად მიწოდების დამადასტურებელი ხელშეკრულებით და შესაბამისი მიღება-ჩაბარების აქტით ან საგადასახადო ანგარიშფაქტურით ან სასაქონლო ზედნადებით; ან/და პრეტენდენტის მიერ ტენდერში შემოთავაზებული კონკრეტული საქონლის მნიშვნელოვნად ნაკლებ ფასად შესყიდვის დამადასტურებელი ხელშეკრულებით და მიღება-ჩაბარების აქტით ან/და საგადასახადო ანგარიშფაქტურით ან/და სასაქონლო ზედნადებით, ან/და იმპორტის შემთხვევაში - იმპორტის დამადასტურებელი იმგვარი დოკუმენტი (საბაჟო დეკლარაცია ან/და წინასწარი ინვოისი ან/და ხელშეკრულება ან სხვა), რომელიც იძლევა შესყიდვის ობიექტის, მისი ფასის (ტრანსპორტირების ჩათვლით ან ტრანსპორტირების ღირებულების ცალკე გამოყოფით), და უშუალოდ შემსყიდველის იდენტიფიცირების საშუალებას;

პრეტენდენტის მიერ ფასწარმოქმნის ადეკვატურობის დასაბუთების მიზნით განსაზღვრული დასკვნის წარმოდგენის შემთხვევაში, ფასწარმოქმნის ადეკვატურობის შეფასება გაკეთებული უნდა იყოს შეფასების მომენტისთვის არსებული მდგომარეობის განხილვის შედეგად მიღებული მონაცემების გათვალისწინებით და არა სამომავლოდ განსახორციელებელ მანიპულაციაზე ან მომავალში ჩასატარებელ რაიმე ღონისძიებაზე ან მოვლენაზე დაყრდნობით;

4.1.2 ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან 3 სამუშაო დღის ვადაში

▼ ანგარიშსწორების პირობები

7.2 ეტაპობრივი ან/და საბოლოო ანგარიშსწორების განხორციელების პირობები

ანგარიშსწორება განხორციელდება მიწოდებული საქონლის ოდენობის შესაბამისად, მიღება-ჩაბარების აქტის გაფორმების, სასაქონლო ზედნადების და საგადასახადო ანგარიშგაბეჭდურის წარმოდგენის შემდგომ (საგადასახადო ანგარიშგაბეჭდურის წარმოდგენის მოთხოვნა ვრცელდება მხოლოდ დღგ-ს გადამხდელად რეგისტრირებულ მიმწოდებელზე);

7.3 ეტაპობრივი ან/და საბოლოო ანგარიშსწორების განხორციელების ვადები

ანგარიშსწორება განხორციელდება მიღება-ჩაბარების აქტის გაფორმების, სასაქონლო ზედნადების და საგადასახადო ანგარიშგაბეჭდურის სრულყოფილად წარმოდგენიდან 10 კალენდარული დღის ვადაში;

▼ ხელშეკრულების პროექტი

8.1 ხელშეკრულების პროექტი



▼ საკონტაქტო პირის შესახებ ინფორმაცია

9.1 სატენდერო კომისიის აპარატის საკონტაქტო წევრის ვინაობა და მონაცემები

დავით ტაბლიაშვილი, 577243444, dtabliashvili@yahoo.com

▼ დამატებითი ინფორმაცია/დოკუმენტები

10.1 დამატებითი ინფორმაცია/დოკუმენტები

• ხელშეკრულება მიმწოდებელთან დაიდება ამ სატენდერო დოკუმენტაციის (სატენდერო პირობების) მე-8 პუნქტში წარმოდგენილი ფორმის და პირობების შესაბამისად. ხელშეკრულების პროექტი შეიცავს იმ აუცილებელ პირობებს, რომლებიც შემსყიდველისათვის წინასწარ არის ცნობილი. ამდენად, პრეტენდენტის გამარჯვების შემდეგ, ხელშეკრულების დადებისას წარმოდგენილი ხელშეკრულებიდან რაიმე პუნქტის ამოღება/შეცვლა (რაც არსებით გავლენას მოახდენს ხელშეკრულების შინაარსზე) დაუშვებელია; თუმცა მხოლოდ შემსყიდველისა და გამარჯვებული პრეტენდენტის ურთიერთშეთანხმებით დასაშვებია ნებისმიერი იმგვარი პუნქტის/დებულების/ჩანაწერის დამატება, რომელიც არ ეწინააღმდეგება უკვე წარმოდგენილი ხელშეკრულების პუნქტებს;

• „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მოთხოვნათა შესაბამისად, შემსყიდველი ორგანიზაციები და შესყიდვებში მონაწილეობის მსურველები/პრეტენდენტები/მიმწოდებლები 2019 წლის 1 იანვრიდან ვალდებული არიან სახელმწიფო შესყიდვებში ერთიან ელექტრონულ სისტემაში ასატვირთ ელექტრონულ დოკუმენტებზე შეასრულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამპით. აღნიშნული წესით შესრულებული დოკუმენტი იურიდიული ძალის მქონეა. სხვადასხვა დოკუმენტის ელექტრონულად დამოწმება შესაძლებელია შემდეგი ფორმით: სატენდერო წინადადებისა თუ დაზუსტებული ინფორმაციის ელექტრონულად წარსადგენად საჭიროა თავფურცელის (წერილის სახით) უფლებამოსილი პირის მიერ ელექტრონულად ხელმოწერილი ან ორგანიზაციის ელექტრონული შტამპით დამოწმებული სახით მომზადება, რომელშიც მითითებული იქნება, რა მიზნით წარადგენთ დოკუმენტებსა თუ ინფორმაციას და აქვე ჩამოთვლით იმ დოკუმენტებსა თუ ინფორმაციას, რომლის წარმოდგენასაც გეგმავთ სატენდერო წინადადებისა თუ დაზუსტებული ინფორმაციის სახით. ასეთ შემთხვევაში წერილის დანართი(ები) არ საჭიროებენ ელექტრონულად დამოწმებას. ერთიან ელექტრონულ სისტემაში ასეთი სახით წარმოდგენილი დოკუმენტაცია ჩაითვლება ელექტრონულად დამოწმებულად;

• ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის

უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. უცხოენოვან დოკუმენტსა და მის ქართულ ენაზე შესრულებულ თარგმანს შორის შეუსაბამობის შემთხვევაში, პრიორიტეტი მიენიჭება ქართულ ვარიანტს.

• პრეტენდენტს არ აქვს უფლება წარმოადგინოს ალტერნატიული წინადადება;

• შესყიდვის ობიექტთან დაკავშირებით ტექნიკური საკითხებზე დამატებითი კითხვების შემთხვევაში საკონტაქტო პირები არიან: თამაზ სვანიძე, 595 935893

▼ სატენდერო პირობების დამტკიცების შესახებ სატენდერო კომისიის სხდომის ოქმი

11.1 სატენდერო პირობების დამტკიცების შესახებ სატენდერო კომისიის სხდომის ოქმი



oqmi #1.PDF

ფასების ცხრილი

N°	დასახელება	ტექნიკური მახასიათებლები	მწარმოებელი ქვეყანა	მწარმოებელი კომპანია	მოდელი	რაოდენობა	ერთეულის ფასი (ლარი)	საერთო ფასი (ლარი)
1	DVB T/T2 სატელევიზიო სიგნალის კონვერტორი	შესასვლელი სიგნალის სიხშირული დიაპაზონი: (K6-K12); 174-230 მჰც; (K21-K69); 474-858 მჰც; მაქსიმალური შესასვლელი სიგნალის დონე: 80 dBuV მაქსიმალური გამოსასვლელი სიგნალის დონე : 80 dBuV სიგნალის დონის რეგულირების სიღრმე : 20 დბ შესასვლელი კონვერტორის ტიპი: F კონვერტორი სიგნალის ზმაურთან თანაფარდობა : 52 დბ	პოლონეთი	Telmor	PNK-802	5 ცალი	680.00	3,400.00
სულ (ჯამი):								3,400.00

შემოთავაზებულ საქონელზე ვრცელდება გარანტია, არანაკლებ 3 თვის განმავლობაში, რომელიც ძალაში იქნება საქონლის სტანდარტული ექსპლუატაციის პირობების დაცვის შემთხვევაში, საგარანტიო ვადის ათვლა დაიწყება მიღება-ჩაბარების გაფორმების თარიღიდან, საგარანტიო პირობების ფარგლებში საქონლის შეკეთების/შეცვლის ვადა შეადგენს არაუმეტეს 5 სამუშაო დღეს შესაბამისი შეტყობინებიდან.

ანა ნაგარაშვილი
მპს ჯიემსოლუმენს-ის დირექტორი